

Mulawuri lontshwa wa yuniti ya Switsutsu

Tshwane, 18 Nhlangua 2021 – Vukorhokeri bya Xibalo bya Afrika-Dzonga (SARS) namuntlha byi amukerile Mnn Natasha Singh, mutokoti wa swa tinkota loyi a nga na ntokoto wo tlula 20 wa malembe, tanihi Mulawuri: Xiphemu xa Switsutsu (HWI). Khomixinara Kieswetter u tivisile Mnn Singh eka vatirhikuloni na vatirhi etihofisini ta Woodmead laha yuniti yintshwa yi nga ta tshama kun'we na Xiphemu xa Mabindzu Lamakulu na ma Misava (LB&I).

Mnn Singh u na nthwaso wa *Master's* laha a kongomiseke eka mbhariso. U ta eka SARS ku suka eka Eskom laha a tirheke tanihi Xirhokulu xa swa Timali: *Group Insurance and Tax*. Ntholo wa yena wu fanerile swinene tanihileswi wu hlanganaka na nhlayo ya swiviko swa sweswinyana leswi khumbaka xiphemu lexi xa nkoka xa vahakelaxibalo, ku katsa na *Pandora Papers* lama ha ku humesiwaka.

Hi ku fambisana na xikongomelo xa kungu xa SARS ku endla swi olova no vevuka eka vahakelaxibalo ku landzelela swiboho swa vona swa xinawu, ntholo wa Mnn Singh i wa nkoka eka kungu ku pfuneta ku antswisa vulandzelelanawu bya vanhu lava nga fuma na malulamiselolo mo nonon'hwa ma swa timali.

Mnn Singh u vurile, "Ndzi khensa swinene no titsongahata eka xifundzho xo kala lexi ndzi nyikiweke xona tanihi Mulawuri wa SARS wo sungula wa yuniti ya Switsutsu. Ndzi mutirhelamfumo wa ntiyiso, na muhlohloteri wo tiya wa matimba ma xikongomelo. Hi ku landzelela hiseko wa mina eka sekithara ya mfumo na ndlala ya xikongomelo, Ndzi navela ku xixima no hoxa xandla hi ndlela ya kahle eka Vutinyiketeri bya SARS byo tirhela mahanyelo ma vaaki va Afrika-Dzonga".

Khomixinara wa SARS Edward Kieswetter u vurile, "Hi lemuka ku hoxa xandla ka xibalo ku suka eka xiphemu lexi, eka swivumbeko swa xona swo hambanahambana eka Rhiphabuliki ra Afrika-Dzonga. Hi tlhela hi lemuka mitlhontlho leyi nga va ka kona, kumbe leyi sweswi yi nga kona mayelana na timhaka ta xibalo na swiboho swa xibalo swa vanhu na mindyangu ya vona. Switsutsu swi tala ku lulamisa timhaka ta swona ta swa timali hi swivumbeko swo nonon'hwa swa laha kaya na le ndzhandzeni, mikarhi yo tala va tumbeta vun'wini bya vona byo kongoma lebyi va vuyerisaka na malinghena ya ntiyiso

Ttn Kieswetter u engeterile leswaku mihlavutelo leyi ya ka emahlweni ku suka eka vuhangalasangahungu bya misava mayelana na tithiransakixini ta swa timali ta switsutsu emisaveni hinkwayo i mhaka leyi lavaka ndzavisiso wa kahle hi vatokoti lava mbhumambhuriweke ku fana na Mnn Singh. "Lokohiletlhelo nhlawulo wa hina wu katsa kwalomuya ka 1500 wa switsutsu na tienthithi leti va xakelanaka na tona, ku tiyisisa xikongomiso, hi ta ya emahlweni hi engetela mfikelelo wa hina ku katsa vanhu na mindyangu yo tala.

"Lokohiletlhelo SARS yi tinyiketela ku pfuneta vahakelaxibalo mayelana na swiboho swa vona swa xinawu, nhlango wu tinyiketerile hi ndlela yo ringana ku vhumunula no herisa nkavulandzelelanawu. Ku engetelela, SARS yi nge kondzeleli nkavulandzelelanawu hi vomu naswona yi ta endla swi nonon'hwa no durha eka vahakelaxibalo valavo handle ka nchavo kumbe tintswalo," ku engeterile Ttn Kieswetter.

Mnn Singh u ta sungula ntirho wa yena lowuntshwa eSARS ku sukela hi ti 18 Nhlango 2021. Vona xifaniso lexi khomanisiweke.

Mayelana na vuxokoxoko, tihlanganise na SarsMedia@sars.gov.za